

Voces de Queempostela

Folleto Mensual
de Información

Nº15, Outubro-1997

Editado polo
Colectivo Gai de
Compostela

Outra vez de volta!

Tras un longo periodo de inactividade vacacional, os sócios e voluntarios do CGC comenzaron a se reunir a finais do pasado mes de setembro. Ao longo destas primeiras reunións comenzaronse a deliñar os obxectivos e actividades que se pretenden desenvolver durante a tempada 97/98. Retomaron-se aos poucos os servizos que se ofertan no local e xa se empezaron a cubrir as permanencias semanais no mesmo. Estamos de volta!

Festa en Novembro

O CGC decidiu nunha reunión do presente mes de outubro celebrar unha festa para o vindeiro 14 de novembro (venres). A Comisión de Actos Lúdicos e Culturais xa está metida de cheo nos preparativos. Esta festa organizará-se conxuntamente co Colectivo de Lesbianas Independientes (CLI). O lugar e hora da festa xa se concretaron e será, visto o éxito e as facilidades que apresenta o local, ás 23 h. na discoteca Factoría, sita na rua Gómez Ulla. A partir da primeira semana de novembro porán-se á venda as entradas en vários locais de Santiago, Coruña e Vigo. O seu prezo sera de 300 pts. Se queres propor ideas ou facer suxestións sobre a festa escrebenos ao apartado ou por correo electrónico. Se che cadra, non deixes de pasar polo local.

O "S'homos" non dá saído!

As longas vacacións que se tomaron moitos sócios e voluntarios do CGC provocou que se retrasa-se ainda máis a saída do novo "S'homos", que será xa o número de Outono. A Comisión do Voceiro espera poder té-lo pronto para a venda a meiados do mes de novembro. A vindeira semana inicia-se o proceso de maquetación e tentará-se que saia

para a festa do 14-N. Lembramos-che que a portada está feita por Francisco Pereiro e que se manterán as seccións do número anterior. Se queres anunciar-te na sección de clasificados escrebe-lle á Comisión ou pasa polo local para lle facilitar o texto do teu anuncio. Lembra que anunciar-se no "S'homos" é totalmente gratuito.

1 de Decembro: Dia da Sida

O Comité Cidadán Anti-Sida de Santiago xa comezou a preparar os actos que ha levar a cabo co gallo do 1º de Decembro, Dia Mundial de Loita contra a Sida. Ainda non están deliñadas todas as actividades pero pensa-se trasladar algunha delas á zona nova, sobre todo a festa. Como o ano pasado haberá unha serie de conferéncias e actos na rua. O CGC ainda non pensou na celebración dalgún acto para esas datas. Se tes ideas ao respecto ou queres máis información sobre os actos que ha celebrar o Comité Anti-Sida escrebe-nos ou pasa polo local. Lembra que o Comité Anti-Sida mudou de enderezo; o seu local está agora na Rua das Rodas, moi perto do noso.

Os "cibergais" galegos de cea en Compostela

Os usuários gais galegos de Internet lanzaron un chamamento para organizar unha cea de encontro na cidade de Compostela o dia 15 de Novembro, o dia despois da festa do CGC. Habitualmente, estes gais falan a través das canles de conversa da Internet e, por várías razóns, non teñen moitas oportunidades de se coñecer fóra do espazo virtual. A cea organiza-se, pois, para estreitar as boas relacións que se establecen na rede. Se te queres apontar á cea ainda o puedes facer escribiendo ao seguinte enderezo electrónico: festagai@hotmail.com

Elección da nova directiva

Nas vindeiras semanas o CGC convocará aos seus sócios a unha reunión extraordinaria para votar unha nova directiva do Colectivo. Os actuais presidente e tesoureiro aceitaran o cargo o ano pasado baixo a condición de permanecen nel só un ano. Ese ano xa se cumpliu e agora é preciso renovar esos cargos. A asemblea do CGC ainda non decidiu unha data exacta para o dia da votación, pero é case seguro que esta se ha efectuar antes do Nadal. Lembra que só o cargo de Tesoureiro implica unha verdadeira responsabilidade, mentres que o de Presidente só é nominal. Se queres apresentar a tua candidatura ou expresar opiniões sobre a votación escribe ao apartado, ao buzón electrónico ou pasa polo local nas horas de costume.

Maior achegamento entre colectivos gais e lésbicos

Compoñentes do Colectivo de Lesbianas Independientes visitaron en días pasados o local do CGC para propor un maior achegamento entre os dous colectivos. Ainda que non concretaron as suas propostas, o colectivo lésbico compostelán contempla novas fórmulas de actuación conxunta no plano social e político que poderían pasar pola fusión das duas asociacións homosexuais da capital galega. O CGC acolleu positivamente as ideas do CLI mais ainda non se pronunciou definitivamente ao respecto nunha das suas asembleas. Se queres dar a tua opinión sobre o tema escribe aos enderezos de costume ou visita o local durante as horas de permanéncia.

Lenta tramitación da Lei de Parellas no Congreso

O pasado mes de setembro desenvolveuse no Congreso d@s Deputad@s o prazo de presentación de emendas ao Proxecto de Lei sobre parellas de feito de Coalición Canaria. O PSOE presentou emendas relativas á

definición do termo "parella de feito" que aparece no Proxecto así como a artigos referidos a cuestións de tipo fiscal e económico. O PP sen embargo, impuxo unha emenda á totalidade do proxecto e apresentou o seu próprio. O proxecto do PP trata-se más dunha lei de unión civil á francesa (que contempla todo tipo de convivencia entre persoas, sexan ou non do mesmo sexo) que dunha verdadeira lei que equipare os direitos das parellas homosexuais aos das heterosexuais. As organizacións homosexuais do Estado

Español expresaron o seu rexeitamento ao proxecto d@s populares xa que este non responde ás reivindicacións e necesidades das parellas de feito. Por outra banda, a subcomisión parlamentar que se criara para estudar a situación legal das parellas de feito rematou, fóra de prazo, os seus traballos a comezos de setembro. A subcomisión non apresentou conclusións nengunhas. Xa que logo, e tal e como xa indicaran as organizacións gais e lésbicas no seu dia, a creación da subcomisión só serviu para retardar e obstaculizar aprobación dunha posible Lei de Parellas.

Homoenquisa'97: primeiros resultados

O pasado mes de setembro un grupo de traballo do CGC procesou os datos das primeiras 50 homoenquisas recollidas durante a pasada tempada. A gran maioria delas corresponden a gais, polo que o obxectivo nos vindeiros meses será o de conseguir unha maior participación das lésbicas. O CGC pensa repartir máis homoenquisas na festa do 14-N. Se ainda non encheches a tua homoenquisa, recolle-a no local ou escribe para que che sexa mandada.

Escríbelo:
Escríbelo ao apartado 191 /
CP 15780 Compostela
ou por e-mail: gaiacompos@hotmail.com

Pasa polo noso local:
Rua Entremuros, nº 16, baixo
Juns. mercores e xoves a partir das 20:30